

ADMINISTRACIÓN LOCAL

MUNICIPAL

ARTEIXO

Secretaría Xeral

Aprobación definitiva das bases para a concesión de subvencións para actividades deportivas mediante concurrencia competitiva e convocatoria de subvencións para actividades deportivas 2018

EDICTO

O Concello Pleno, en sesión celebrada o vinte e oito de marzo de 2018, aprobaronse inicialmente as:

BASES PARA A CONCESIÓN DE SUBVENCÍONS PARA ACTIVIDADES DEPORTIVAS MEDIANTE CONCURRENCIA COMPETITIVA.

Durante o período de exposición ao público non se formularon reclamacións, elevándose a definitivos os acordos provisionais relativos ás bases citadas adoptados entrando en vigor dende a súa publicación no Boletín Oficial da Provincia.

De conformidade co artigo 19 do Real Decreto Legislativo 2/2004, de 5 de marzo, contra dito acordo poderase interpor recurso contencioso-administrativo, sen prexuízo de calquera outro recurso que os interesados estimen procedente.

BASES PARA A CONCESIÓN DE SUBVENCÍONS PARA ACTIVIDADES DEPORTIVAS MEDIANTE CONCURRENCIA COMPETITIVA.

1. Finalidade e obxecto

A finalidade destas bases e da convocatoria correspondente é a promoción e fomento do deporte, subvencionando actividades realizadas no Concello de Arteixo no presente ano natural, destinada a apoiar:

- Ás entidades locais sen ánimo de lucro na creación ou mantemento de actividades, fomento do deporte base, deporte para todos, organización de eventos deportivos, así coma na dotación de equipamentos das programacións que desenvolven en materia de deportes.
- Aos deportistas arteixáns individuais que acreditando unha calidade inicial e unha especial dedicación á actividade deportiva, auguran unha proxección futura para o deporte de alta competición. As axudas obxecto desta convocatoria irán dirixidas a consolidar a progresión do rendemento dos deportistas.

2. Beneficiarios

- Entidades deportivas legalmente constituídas e deportistas arteixáns individuais.
- Non poderán ser obxecto de axuda na presente convocatoria as actividades, talleres ou equipamentos subvencionados ou financiados no mesmo exercicio a través doutras convocatorias, convenios ou plans do Concello de Arteixo
- Quedan excluídos todos os deportistas practicantes de modalidades colectivas ou con licenza dunha entidade deportiva de Arteixo que reciban subvención, entendendo que as súas necesidades xa se atopan atendidas a través dos programas de axuda a entidades deportivas das distintas institucións, incluído o propio Concello de Arteixo.

3. Crédito orzamentario

- Para cada exercicio, será o que se verifique e aprobe na correspondente convocatoria.

4. Requisitos para solicitar a subvención

4.1. Entidades deportivas legalmente constituídas que cumpran os seguintes requisitos:

- Estar inscritas no Rexistro Municipal de asociacións no momento da solicitude
- Carecer de fins de lucro
- Ter o domicilio social no termo municipal de Arteixo.

- Desenvolver as súas actividades no ámbito territorial do concello de Arteixo ou sobre temas de interese para o concello de Arteixo

- Non ter pendente de xustificación ningunha subvención ou axuda perante o Concello de Arteixo para o mesmo obxecto para o que se solicita a nova subvención

- Estar ao día nas súas obrigas tributarias e coa Seguridade Social

- Non estar incurso en ningún dos supostos de incapacidade ou incompatibilidade para a percepción de axudas ou subvencións públicas do artigo 13 da Lei 38/2003, de 17 de novembro.

4.2. Os deportistas arteixáns individuais que cumpran os seguintes requisitos:

- Estar empadroado no Concello de Arteixo, cunha antigüidade mínima de dous anos consecutivos, no momento da solicitude.

- Que destaquen por resultados en competicións oficiais de ámbito nacional ou internacional e que estean en posesión da licenza de federado expedida ou tramitada pola correspondente federación deportiva e teñan os 12 anos cumpridos no ano da convocatoria.

- Competir, no ano da solicitude, en eventos/probas deportivas de relevancia nacional ou internacional organizados ou recoñecidos polas respectivas federacións (poderase estudar a posibilidade de acceder a estas bolsas participando en competicións autonómicas que se consideren de interese público).

- Acreditar nivel deportivo na especialidade, polo menos, o ano anterior ao da solicitude.

- Non estar incurso en ningún dos supostos de incapacidade ou incompatibilidade para obter a condición de beneficiario de subvencións (artigo 13 da Lei 38/2003, do 17 de novembro, xeral de subvencións).

- O importe máximo que se pode solicitar é o do 80 % do orzamento estimativo de gastos, primándose para a concesión o maior esforzo económico do solicitante, cuantificado polo coeficiente de financiamento (cociente entre o importe da subvención solicitada e o importe do presuposto estimativo de gastos), establecéndose un límite máximo por deportista de 2.500 €

- Para poder optar a estas axudas será requisito obrigatorio que os solicitantes reciban un mínimo do 30% da puntuación máxima establecida nos criterios de avaliación

5. Documentación a achegar, segundo modelos normalizados específicos na convocatoria anual

5.1. Deportistas individuais:

- Solicitude da subvención segundo modelo normalizado.

- Resumo do historial deportivo dilixenciado co visto e prace da federación deportiva correspondente.

- Certificado federativo sobre a participación e clasificación nas competicións durante o ano anterior ao da solicitude.

- Proxecto deportivo, a desenvolver durante o ano da solicitude, no que se incluírá necesariamente:

- Data, lugar, número e duración das competicións.

- Nivel da competición (nacional, internacional).

- Categoría da competición (absoluta, previa a absoluta...).

- Orzamento de gastos e ingresos estimados da tempada.

- Copia da licenza federativa para a tempada correspondente.

- Declaración xurada de non estar incurso en causa de prohibición para obter axudas pública de

- conformidade có artigo 13 da Lei 38/2003, de 17 de novembro.

- Xustificante do Padrón Municipal con data de alta.

- Certificado dun número de conta corrente do que sexa titular o solicitante.

5.2. Entidades deportivas:

- As solicitudes formalizaranse no modelo oficial especificamente elaborado.

- Memoria explicativa da subvención solicitada que se axustará ao modelo normalizado que se achega no anexo citado.

- Orzamento detallado de ingresos e gastos para o ano correspondente, segundo modelo normalizado

- Declaración responsable de acharse desenvolvendo a actividade deportiva correspondente dentro do termo municipal de Arteixo, que se axustará ao modelo normalizado
- Fotocopia dos estatutos da entidade, así como fotocopia da acta de constitución da actual xunta directiva.
- Certificado expedido pola correspondente federación que se axustará ao modelo normalizado
- Código de Identificación Fiscal da Entidade (C.I.F.).
- Certificación orixinal do acordo de solicitude e do nomeamento de representante para as súas relacións co Concello (modelo oficial)
- Certificación do número de socios activos
- Memoria das actividades desenvolvidas no ano anterior á convocatoria.
- Certificación da inscrición no Rexistro de Asociacións de Galicia
- Compromiso da entidade de facer constar a colaboración do Concello de Arteixo e a concellería de deportes en toda información que realice do desenvolvemento das actividades ou investimentos.
- Compromiso da entidade de promocionar entre os seus socios e inserir publicidade nas sedes ou locais sociais todas as actividades e eventos promovidos pola concellería de deportes
- Certificación dos datos bancarios da entidade, pola entidade bancaria correspondente, e segundo o modelo oficial.
- Fotocopia do CIF da entidade
- Declaración xurada de non estar incurso en causa de prohibición para obter axudas públicas de conformidade co artigo 13 da Lei 38/2003, de 17 de novembro.

A documentación a presentar polos solicitantes, agás que se dispoña outra cousa, terá que ser presentada en orixinais ou fotocopias compulsadas, e estar referida sempre como límite máximo á data de expiración do prazo de presentación de instancias.

En relación coa documentación xeral que xa obre en poder desta Administración actuante, o solicitante poderá omitir a súa presentación acolléndose ao establecido no artigo 28.3 da Lei 39/2015, de 1 de outubro, do Procedemento Administrativo Común das Administracións Públicas, indicando a continuación en qué momento e ante qué órgano administrativo presentou os citados documentos, declarando responsablemente que os mesmos non teñen variado e no seu caso que manteñen a súa vixencia

Calquera eiva, erro ou ausencia na documentación requirida terá que ser emendada nun prazo máximo de dez días.

A comprobación da existencia de datos non axustados á realidade, tanto na solicitude coma na documentación achegada, poderá comportar, en función da súa importancia, a denegación da axuda ou subvención solicitada ou reintegro, sen prexuízo das restantes responsabilidades que se deducisen.

6. Prazo e lugar de presentación de solicitudes

As solicitudes deberán presentarse no Rexistro Xeral do Concello e na forma establecida na Lei 39/2015, de 1 de outubro, do Procedemento Administrativo Común das Administracións Públicas, no prazo que se estableza na correspondente convocatoria anual.

7. Comisión avaliadora

A valoración das solicitudes e documentación achegada se efectuará por unha Comisión Avaliadora, formada por:

- Un técnico de Deportes.
- O/a Concelleiro/a de Deportes
- O/a Concelleiro/a de Facenda

8. Gastos subvencionables e criterios de avaliación

8.1. Gastos sufragables

Son aqueles que de maneira indubidable respondan á natureza da actividade subvencionada e se realicen no prazo de execución establecido na presente convocatoria. A estes efectos só se poderán subvencionar os seguintes gastos:

- Fichas / licencias dos deportistas, co correspondente certificado federativo.
- Mutualidade, seguros de responsabilidade civil e accidentes, cos pertinentes certificados e facturas.
- Arbitraxes en competicións oficiais, con certificados ou facturas da federación.

- Transporte interno, por medio de facturas, acompañadas de calendario oficial de competicións.
- Retribucións a persoal técnico, acreditaranse mediante facturas ou nóminas, só se admitirá o recibín cando reflecta a correspondente retención do IRPF, e a repercusión do IVE. En calquera caso deberán acompañarse do xustificante de ingreso do IRPF na Axencia Tributaria.
- Custos por afiliación de xogadores para participar en competicións oficiais.
- Gastos de recoñecemento previo, atención médica e fisioterapia.
- Custos por inscrición de equipos ou deportistas para participar en competicións oficiais federadas.
- Material deportivo funxible (non inventariable).
- Gastos de mantemento (aluguer, luz, gas, auga, teléfono, consumibles de oficina. (non poderá superar o importe total do 10% presuposto a xustificar)
- Gastos de manutención e hospedaxe correspondentes a calendarios de competición oficiais da correspondente federación deportiva.

8.2. Criterios

a) Criterios xerais

A concesión das subvencións corresponde, previo informe técnico, á Alcaldía – Presidencia. A dotación total anual distribuirase do seguinte xeito: o 75%, como mínimo, para repartir entre as entidades deportivas e o 25%, como máximo, restante para os deportistas individuais.

O importe máximo susceptible de ser subvencionado polo Concello en cada actividade pode acadar ata o 80% do custo total da mesma.

Esta subvención é compatible con outras axudas, de entidades públicas ou privadas. En ningún caso o importe da subvención municipal poderá ser de tal contía que, en concorrencia con outros ingresos, subvencións ou axudas, supere o custo da actividade xustificada polo beneficiario.

b) Criterios específicos

b.1) Entidades deportivas

A ponderación relativa atribuída a cada un dos criterios de valoración é a seguinte:

CRITERIO	% RELATIVA
1. Programa de fomento do deporte federado	75%
2. Programa de eventos deportivos	15%
3. Programa de fomento de programas de actividade física saudable	10%

Na convocatoria anual específica poderase modificar a distribución dos niveis porcentuais indicados se como consecuencia das solicitudes presentadas existise un maior número de proposicións económicas que se orientase en maior densidade a calquera das actividades deportivas encadradas nos criterios sinalados co obxecto de establecer unha distribución económica máis equitativa e igualitaria.

b.2) Deportistas individuais

No caso de deportistas individuais, percibirán como máximo, 2.500,00 € por deportista. Os criterios para valorar estas solicitudes consistirán en:

CRITERIO	PUNTUACIÓN MÁXIMA
1. Proxecto deportivo para a presente tempada	25
2. Resultados obtidos na tempada anterior á da solicitude en competición oficial	35
3. Implantación e importancia da modalidade deportiva a nivel nacional	20
4. Achega económica propia para o desenvolvemento do proxecto / competición	10
5. N° de desprazamentos e distancias dos mesmos para participar en competicións deportivas	5
6. Outros méritos, repercusión social do deporte	5

9. Procedemento de avaliación de solicitudes

9.1. Valoración de entidades deportivas

Criterio 1: Fomento do Deporte Federado

A ponderación atribuída a este criterio asignarase en base ao seguinte baremo en función dos seguintes subcriterios:

A. Número de licenzas federadas de deportistas con actividade regular en Arteixo de modalidades recoñecidas polo Consello Superior de Deportes (en adiante CSD). Máximo 70 puntos. A puntuación aplicarase outorgando acumulativamente:

TIPO DE LICENZA	PUNTOS
Licenza absoluta e anterior	1
Licenza veteranos	0,5
Licenza persoas con discapacidade	1,5
Licenza base	2
Licenza feminina. Agás nos seguintes deportes: ximnasia, patinaxe e deportes de raqueta	2
Licenza adestrador	1

Á entidade deportiva de maior puntuación outorgaráselle 70 puntos máximo e ao resto de entidades proporcionalmente.

Unicamente se valorarán como federados as licenzas que habiliten para a participación en competicións federadas oficiais ou consideradas análogas. Non se terán en conta como deportistas federados os que posúan licenzas expedidas para a participación en cursos ou para actividades puntuais que non constituían a actividade deportiva habitual e preferente de cada modalidade deportiva ou para probas federadas non competitivas ou non puntuables para campionatos federados oficiais. Xustificarase única e exclusivamente a través do certificado emitido pola federación correspondente.

B. Adecuación das actuacións ao interese deportivo municipal e grado de representatividade do concello nas competicións nas que participe a entidade deportiva, atendendo ao ámbito e nivel da competición, organizada pola federación deportiva española ou autonómica dos diferentes niveis existentes e o número de ligas de participación por clasificación e acceso, con ou sen requisito de participación. Máximo 20 puntos, atendendo ao seguinte baremo:

Nivel de competición	Modalidades individuais	Modalidades colectivas
Internacional	Ata 10 puntos	Ata 20 puntos
Nacional	Ata 7 puntos	Ata 15 puntos
Autonómica	Ata 5 puntos	Ata 10 puntos
Rexional	Ata 2 puntos	Ata 2 puntos

C. Relevancia da modalidade. Tomarase como referencia o número de licenzas federadas de cada modalidade deportiva, segundo a última publicación do CSD. Á modalidade deportiva de maior implantación outorgaráselle 10 puntos máximo e ao resto proporcionalmente.

Criterio 2: Celebración de eventos deportivos

A ponderación atribuída a este criterio asignarase en base ao seguinte baremo en función dos seguintes subcriterios:

- Proxecto técnico da actividade programada. Descrición, estrutura, desenvolvemento, número de participantes, categorías, nivel e ámbito do evento etc. Ata 50 puntos
- Traxectoria da actividade e grao de consolidación no sistema deportivo local. Ata 10 puntos
- Orzamento. Terase en conta a relación existente entre a subvención solicitada e o orzamento de gastos presentado. Tomarase como referencia a achega económica propia que debe facer cada entidade para cubrir o seu proxecto. Á entidade con maior achega económica (menor cociente) outorgaráselle 20 puntos e ao resto proporcionalmente. Só se computarán en este apartado as solicitudes que adxunten unha declaración responsable asumindo expresamente a aportación de dita porcentaxe.
- Interese da actividade para o sistema deportivo local. Valorarase o interese para o sistema deportivo local, en función dos fins e necesidades que o Concello de Arteixo considera para o mesmo e tendo en conta a interacción da entidade solicitante e o impacto sobre a xestión do mesmo. Ata 20 puntos.

Criterio 3: Fomento de programas de actividade física saudable

Defínense este tipo de programas aos que teñen como obxectivo prioritario crear as condicións para que a poboación goce dunha vida máis activa, que permita conservar a saúde e a autonomía persoal, gozar de maior benestar e calidade de vida, e previr e reducir a presenza de enfermidades relacionadas co sedentarismo, desde a infancia ata a vellez.

A ponderación atribuída a este criterio asignarase en base ao seguinte baremo en función dos seguintes subcriterios:

- Proxecto técnico da actividade programada. Descrición, estrutura, desenvolvemento, número de participantes, categorías, nivel e ámbito do evento etc. Ata 50 puntos
- Estrutura de persoal técnico. Ata 10 puntos. Terase en conta a relación do número de persoal técnico e participantes, así como a titulación do mesmo. Valorarase por esta orde as seguintes titulacións:
 - Licenciados ou graduados en Ciencias da Actividade Física e o Deporte. (Ata 10 puntos)
 - Adestradores nacionais da modalidade deportiva específica (Ata 7 puntos)
 - Adestradores rexionais, adestradores territoriais, adestradores básicos da modalidade deportiva específica ou TAFAD. (Ata 5 puntos)
 - Para baremación de este subcriterio será preciso presentar a documentación acreditativa de cada titulación.
- Orzamento. Terase en conta a relación existente entre a subvención solicitada e o orzamento de gastos presentado. Tomarase como referencia a achega económica propia que debe facer cada entidade para cubrir o seu proxecto. Á entidade con maior achega económica (menor cociente) outorgaráselle 20 puntos e ao resto proporcionalmente. Só se computarán en este apartado as solicitudes que adxunten unha declaración responsable asumindo expresamente a aportación de dita porcentaxe.
- Interese da actividade para o sistema deportivo local. Valorarase o interese para o sistema deportivo local, en función dos fins e necesidades que o Concello de Arteixo considera para o mesmo e tendo en conta a interacción da entidade solicitante e o impacto sobre a xestión do mesmo. Ata 20 puntos.

9.2. Valoración deportistas individuais

CRITERIO	PUNTUACIÓN MÁXIMA
1. Proxecto deportivo para a presente tempada	25
2. Resultados obtidos na tempada anterior á da solicitude en competición oficial	35
3. Implantación e importancia da modalidade deportiva a nivel nacional	20
4. Achega económica propia para o desenvolvemento do proxecto / competición	10
5. Outros méritos, repercusión social do deporte	10

Criterio 1: Proxecto deportivo para a presente tempada

A ponderación atribuída a este criterio (25 puntos máximo) asignarase en base ao seguinte baremo en función do nivel máximo de competición, categoría e número de probas de ámbito nacional como mínimo, a disputar na tempada referida:

NIVEL MÁXIMO DE COMPETICIÓN	PUNTOS
Campionato do mundo / xogos olímpicos	10
Campionato de Europa	7
Campionato de Internacional ou nacional	3
CATEGORÍA	
Sénior	4
Previo a sénior	5
Anterior á previa á sénior	7
Resto categorías	2
NÚMERO DE PROBAS	
10 ou máis probas federadas de ámbito nacional	8
Entre 5 e 9 probas federadas de ámbito nacional	6
Menos de 5 probas federadas de ámbito nacional	4
Máis de 2 probas federadas de ámbito autonómico	2

Terase en conta unicamente a puntuación máxima de cada un dos tres subcriterios.

Criterio 2: Resultados obtidos na tempada anterior á da solicitude en competición oficial

A ponderación atribuída a este criterio (35 puntos máximo) asignarase en base ao seguinte baremo en función dos resultados obtidos na tempada anterior á da solicitude. Valorarase o mellor resultado en competición oficial, debendo estar debidamente certificado pola federación correspondente:

CAMPIONATO	RESULTADO	PUNTOS
Campionato Galego	Participación	1
	8º - 4º	2
	1º - 3º	3
Campionato de España	Participación	5
	8º - 4º	7
	1º - 3º	12
Campionato de Europa	Participación	15
	8º - 4º	17
	1º - 3º	20
Campionato do Mundo / Xogos Olímpicos	Participación	25
	8º - 4º	30
	1º - 3º	35

Puntuarase até un máximo de 5 puntos as participacións e resultados en eventos de carácter non oficial, pero de certa relevancia, no eido local ou nacional, podendo esta puntuación, sumarse ás xa obtidas segundo o baremo, non superando en ningún caso os 35 puntos.

Criterio 3: Implantación e importancia da modalidade deportiva a nivel nacional

Asígnanse 20 puntos a este criterio que tomará como referencia o número de licencias federadas de cada modalidade deportiva, segundo a última publicación do Consejo Superior de Deportes. Á modalidade deportiva de maior implantación outorgaráselle 20 puntos e ao resto proporcionalmente.

Criterio 4: Achega económica propia para o desenvolvemento do proxecto / competición

Denomínase achega económica á relación existente entre a subvención solicitada e o orzamento de gastos presentado. Tomarase como referencia a achega económica propia que debe facer cada deportista para cubrir o seu proxecto anual. Ao deportista con maior achega económica (menor cociente) outorgaráselle 10 puntos e ao resto proporcionalmente.

Criterio 5: Outros méritos, repercusión social do deporte

A ponderación atribuída a este criterio (10 puntos máximo) valorarase en base aos seguintes aspectos: recoñecemento como deportista de alto nivel segundo Resolución da Administración competente, convocatoria pola selección nacional, gran repercusión social dos seus logros deportivos deporte no eido local ou nacional...

10. Acordo de concesión e notificación.

Elaborada a proposta de concesión pola comisión técnica, darase traslado á Intervención a efectos da súa fiscalización previo acordo de concesión.

O acordo de concesión, deberase notificar expresamente a todos os solicitantes de forma fidedigna no prazo máximo de 2 meses contados a partir da data de resolución do programa, e será exposta ao público nos taboleiros de anuncios do concello.

Contra a desestimación expresa ou presunta das solicitudes presentadas poderán formularse os recursos que procedan.

11. Obrigas dos beneficiarios

Os beneficiarios, unha vez aceptada a subvención, están obrigados a:

a) Realizar as actividades propostas. Os cambios deberán comunicarse previamente á súa xustificación para seren admitidos. Se os cambios provocan un presuposto superior ou igual ao presuposto inicial, manterase o coeficiente de financiamento, o importe da subvención e o presuposto subvencionado; se o presuposto é inferior ao inicial, deberá determinarse un novo coeficiente de financiamento, novo importe e novo presuposto subvencionado, que serán inferiores ao inicialmente establecido.

b) Presentar as contas xustificativas e destinar as axudas aos fins para os que se concederon e acreditar perante o Concello o cumprimento da finalidade proposta. No caso de actividades, esta acreditación realizarase, ademais de coa xustificación documental pertinente, coa presentación de 2 carteis anunciadores ou outra información escrita nos departamentos correspondentes 5 días antes da súa realización.

c) Comunicarlle ao Concello a obtención doutras subvencións ou axudas para a mesma finalidade que procedan doutras administracións e/ou entes públicos ou privados.

d) Facer constar na totalidade da publicidade e/ou actividade informativa que se realice por calquera medio (impreso ou non) que conta con subvención do Concello de Arteixo, tendo que figurar en toda impresión o escudo oficial que será facilitado polos departamentos correspondentes. Os deportistas individuais portarán no lugar que corresponda das prendas deportivas de competición os logotipos do Concello e do Servizo Municipal de Deportes.

e) Colaborar cos departamentos municipais nos actos para os que sexan requiridos.

f) Divulgar a programación deportiva municipal nos seus locais, entre os seus asociados, e entre a poboación en xeral, sempre dentro da capacidade que lle permitan os seus medios.

12. Xustificación e pagamento**12.1. Prazo de xustificación**

O prazo de presentación dos xustificantes especificarase en cada convocatoria anual, se ben antes de rematar o prazo, poderá ampliarse por solicitude do interesado ou por proposta razoada da unidade xestora. No caso de que o interesado solicite unha prórroga téñense que razoar os motivos e realizarse por escrito antes da data sinalada.

De non presentarse a xustificación dentro de prazo (inicial ou prorrogado), por resolución da Presidencia iniciarase expediente de anulación do correspondente compromiso. A resolución final notificaráselle á entidade e á Intervención Municipal para a súa constancia contable.

En calquera caso, o 31 de decembro de cada ano, anularanse automaticamente todas as axudas pendentes de xustificación ou sen concesión de prórroga.

Este Concello reserva o dereito de comprobar, polos medios que estime oportunos, que a xustificación é correcta, quedando o beneficiario obrigado a facilitar canta información sexa requirida polo servizo xestor para a Intervención Municipal.

12.2. Consideracións xerais

Debido ás características dos destinatarios e a natureza obxecto das subvencións, o pago das mesmas será anticipado, supoñendo entrega de fondos con carácter previo e aboaranse do xeito seguinte: unha vez publicada a resolución da concesión da subvención, realizarase un anticipo do 50% do total concedido. Unha vez xustificada a subvención debidamente, realizarase o pago do 50% restante.

O orzamento subvencionado a xustificar será o importe da subvención concedida, aplicando un coeficiente de financiamento do 0,8. Dividirase o importe concedido entre 0,8.

No caso de ter outras subvencións ou ingresos propios para o mesmo obxecto que, en concorrencia coa subvención do Concello de Arteixo, teñan un importe superior á cantidade resultante do cálculo anterior, o orzamento subvencionado para xustificar será a suma das subvencións e ingresos

O gasto xustificado documentalmente deberá acadar polo menos, o importe do presuposto subvencionado.

Toda alteración das condicións tidas en conta para a concesión da subvención, en todo caso a obtención concorrente de subvención doutras administracións públicas ou entidades privadas, poderá dar lugar á modificación da resolución da concesión.

O importe das subvencións concedidas en ningún caso poderá ser de tal contía que en concorrencia con subvencións ou axudas doutras Administracións públicas ou entidades privadas supere o custo da actividade que desempeñe o beneficiario.

12.3. Documentación xustificativa

A conta xustificativa se presentarán o Rexistro Xeral do Concello con destino ao servizo de Deportes, e deberá respectar o contido mínimo que marca o artigo 75 do RD 887/2006, Regulamento de Subvencións, polo que deberá incluír:

- Memoria de actuacións xustificativa. Segundo modelo normalizado.
- Memoria económica, coa relación de gastos, e a certificación doutras axudas ou subvencións percibidas para a mesma finalidade. Tamén carta de pago en caso de reintegro de sobrantés, no seu caso.
- Axuntaranse orixinais ou copias cotexadas das facturas, recibos, nóminas e demais documentos de valor probatorio, polos conceptos incluídos no orzamento inicial e polo importe mínimo sinalado na notificación da subvención. Estes documentos ademais están suxeitos ás seguintes normas:

a) Coa finalidade de darlle cumprimento ao disposto no art. 30.3 da Lei 38/2003, xeral de subvencións, no caso de presentar fotocopias, antes de facer a fotocopia deberá estenderse no orixinal da factura unha dilixencia na que se faga constar que a factura foi utilizada como xustificante de gasto para a obtención dunha subvención do Concello de Arteixo.

b) Non se admitirán facturas de bebidas alcohólicas, tabaco ou calquera outro produto considerado lesivo para a saúde.

c) O importe que se xustifique en concepto de gastos de mantemento (aluguer, luz, gas, auga, teléfono, consumibles de oficina, etc.) non poderá superar o 10% do importe total do presuposto a xustificar.

d) Os gastos de persoal acreditaranse, con carácter xeral, mediante facturas ou nóminas. Só se admitirá recibín cando reflecta a correspondente retención do IRPF e a repercusión do IVE. En calquera caso, deberán acompañarse do xustificante de ingreso do IRPF na Axencia Tributaria.

e) As facturas só poderán ser substituídas por outros documentos cando así o admita o artigo 4 do RD 1496/2003, Regulamento de Facturación.

f) Admitiranse pagos en efectivo por importes de ata 300 €. No caso que o pago de un servizo estea fraccionado en varios pagos, o límite de 300 € entenderase para o conxunto dos correspondentes ao servizo.

12.4. Tramitación da xustificación

Á vista da documentación xustificativa presentada, logo dos informes do Servizo Municipal de Deportes e do Servizo de Intervención, a Xunta de Goberno, aprobará as contas xustificativas e procederase ao pagamento da subvención.

No caso de que a documentación xustificativa fora incorrecta ou insuficiente, darase un prazo de dez días para a súa corrección. De non cumprirse este requisito dentro do prazo sinalado, e sempre que se acredite o cumprimento da finalidade, o importe da subvención reducirase proporcionalmente aos gastos xustificadas correctamente, aplicando o coeficiente de financiamento.

Pasado dito prazo, en caso de non achegar a documentación requirida, arquivarase o expediente e anularase a subvención.

Para a valoración do cumprimento da finalidade básica da subvención e pagamento dela, terase en conta o seguinte:

- a) No caso de que se xustifique gasto polo 100% do presuposto subvencionado, aboarase a totalidade da subvención.
- b) No caso de que se xustifique gasto inferior ao 100% e, a lo menos do 50% do presuposto subvencionado, aboarase a parte proporcional da subvención.
- c) No caso de que se xustifique gasto inferior ao 50% do presuposto subvencionado, non se considerará cumprida a finalidade básica da subvención, consonte co que non se aboará cantidade ningunha.

13. Infraccións e sancións

Ao vencemento do prazo de xustificación sinalado nas bases, sen que a entidade presentase a documentación xustificativa, a unidade xestora requirirá para que a presente no prazo improrrogable de 15 días dende a notificación.

A falta de presentación da documentación neste prazo suporá a renuncia á subvención outorgada, sen prexuízo das responsabilidades dispostas na Lei xeral de subvencións.

A presentación da documentación neste prazo excepcional non eximirá a entidade beneficiaria da sanción que lle corresponda segundo a seguinte gradación:

- Atraso na presentación da xustificación ata un mes: sanción do 10% do importe da subvención, co límite de 150 €.
- Atraso na presentación da xustificación dun mes ata tres: sanción do 20% do importe da subvención, co límite de 400 €.
- Atraso na presentación da xustificación de máis de tres meses: sanción do 30% do importe da subvención, co límite de 900 €.

Aplicarase a compensación para o cobramento da sanción, agás que a entidade sancionada formule a oposición á sanción ata que se resolva o recurso

“Extracto da convocatoria ao abeiro das bases para a concesión de subvencións para actividades deportivas mediante concorrencia competitiva para o ano 2018

1) Obxecto. Promoción e fomento do deporte, subvencionando actividades realizadas no Concello de Arteixo no presente ano natural.

2) Beneficiarios.

- Entidades deportiva locais sen ánimo de lucro na creación ou mantemento de actividades, fomento do deporte base, deporte para todos, organización de eventos deportivos, así coma na dotación de equipamentos das programacións que desenvolven en materia de deportes.

- Deportistas arteixáns individuais que acreditando unha calidade inicial e unha especial dedicación á actividade deportiva, auguran unha proxección futura para o deporte de alta competición. As axudas obxecto desta convocatoria irán dirixidas a consolidar a progresión do rendemento dos deportistas.

3) Bases reguladoras.- Bases reguladoras das subvencións municipais en réxime de concorrencia competitiva, destinadas á realización de actividades deportivas publicadas no BOP

4) Contías.- As contías destinadas son os importes consignados no orzamento ordinario para o ano 2018, ascendendo a un total de 21.000 € con cargo á partida 341.489.00.

5) Criterios de valoración.- As bases reguladoras conteñen os criterios de concesión da subvención aplicables para a valoración dos proxectos presentados.

6) Prazo de presentación de solicitude.- O prazo de presentación de solicitudes será de un mes, iniciándose a partir do día seguinte ao da publicación do presente extracto de convocatoria no BOP de A Coruña.

7) Prazo de Xustificación.- O prazo para a presentación da xustificación das subvencións remata o 30 de novembro do 2018 debendo tramitarse segundo se especifica nas bases reguladoras”

Arteixo a 15 de xuño de 2018

O Alcalde-Presidente,

Asdo. Carlos Calvelo Martínez

2018/4514